

Filipai

1 ¹Ŋai Pol, Timoti da, maŋ Jesus Kristus san urat tamol. Aŋ tamolpein gun ak Jesus Kristus lo yan Filipai na amado dan, agod aŋ matu pastor iŋ diken dam maŋ aŋsam na girek en migane ipalu da. ²Bai Anut iŋ Jesus Kristus idsad Tubun en da, aŋ ka ilod ipanaŋ pe ilo maror dupanaŋ a.

Ilo panek ru iŋ gudanek da

³Saen fidian ŋai aŋ ilog isou dop ŋaisag Anut ilo uyan ru ŋupani da. ⁴Ŋaisag gudanek fidian ŋigane dan lo Anut aŋ fidian ibinawaŋ o ŋusumiani da, agod an ŋai uyasusai lo mi ago ŋigane da. ⁵Ŋai aŋ ilog uyan panaŋ da. Man dugo, nal malan te maŋ aŋ luluŋam lo urat fun miganeg ipalug gamu en, aŋ maŋ da sisem urat kisaek, bilaluŋ uyan ak Jesus Kristus niŋen o tabol ilasa dugo tamolpein duloŋ da. ⁶Agod ŋai mel en ŋaloŋ uyan ak, Enti a aŋ lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

⁷Ŋai aŋ niŋemi wo ago ilog isou dan uyan a. Man dugo, aŋ man ŋaisag bubeg buson mok a. Gidad ŋai subanek lo ŋumado boi, tia, ŋai bilaluŋ uyan ak dabai ŋupani boi, tia, ŋai kulob dabai ate bilaluŋ uyan ak ŋabol ilasa dan, an ru rumok ago ŋukubiai dile boi, aŋ fidian dam Anut san ilo panek e ŋai ipanag den lo atutoug amado da. ⁸Anut iŋ ŋai aŋ ŋiliaŋ o ilog tubun mi ibol dan ilonŋ a. Ilo panek a Jesus Kristus aŋ lo igane dan, an ŋai ilog lo iganeg ate ŋai aŋ fidian niŋemi wo tubun geig ŋamat da.

⁹Agod ŋai igo ŋugudani da, aŋ aŋsem nug ilon apanip an lo dop aŋanem ilo panek isudap tubun a. An lo dop aŋ aŋanem maŋau lo, agod aŋanem ilo tarpasek lo dam, amug alasap mel an uraru mi ilom lo awan isa wa. ¹⁰An lo aŋ kagin naok naok a Anut malan lo uyanan mok an niŋedi wo ilom itarpasi san aŋ idaisuda geig a. An mi tia, aŋ bubem itaot, aenta aŋ niŋemi wo ru tia, ago amado yaup Kristus san nal ilasa wa. ¹¹Agod kagin itaotan san nuŋon wei mi Jesus Kristus lo ilasa dan, aŋ tinim lo idaisuda wa. An lo tamolpein iŋ Anut yaŋan girager aman da yak diabisa dop ilo uyan dupani wa.

¹²Teig taog, aŋ aloŋ uyan o ŋai ilog ibol da, muruan ta ŋai tinig fo digane ya, ago bo man muruan nek an bilaluŋ uyan en ifufurak yau

san dal ipasi a. ¹³Rumok, inj nai subanek lo diginiag a, gug kagin an lo tamolpein fidian Rom na dumado dan inj dulong ak nai Kristus san urat njigane damaiak naon njisini da. Agod tamol adi Kaisa san ab ditiiani dan, an dam fidian dulong a. ¹⁴Agod an mi tia ya. Tia, nai teig taog Tubun en lo dumado dan wei mi dam, nai sein nam dusubanag go njumado dan lo, injaned ilo rumok dabai ipanig direr san tia ya, an lo Anut anen ru dabai nam dufulale da.

¹⁵Rumok, aenta inj Kristus san ru dufulale dan fun man, inj nai ninjeg o turak dususa da, agod sed yanjad disini da. Gug aenta man inj ilo sou uyan ak lo mi ago digane da. ¹⁶Tamolpein e ilo panek lo digane den nai ninjeg o dulong a, nai subanek lo njumado man fun, nai bilalun uyan an dabai ka njupani wa. ¹⁷Gug aenta a Kristus san ru dufulale dan man inj sed yanjad diabisa san urat mi digane da. Injad ilo sou itaot tia ya. Nai subanek lo njumado dan ninjen o injad ru fulalek an lo nai tinig te muruan taida digane isuda san kulob mi digane da. ¹⁸Amaiak ninjen o dugo wak i? En mi, gidad inj ilod lo ilo sou mianuk ak yen boi, tia, ilo sou uyan mok an lo mi dubol ilasa boi, nai ilog tubun mi igo ibol da, dal fidian lo Kristus san fun dufulalep tamolpein ka dulong a. Kulob nek en ilasa se yan ninjen o nai youg isa da.

Awo, yousai pempem ago yen a. ¹⁹Man dugo, nai njalon ak, anjam gudanek lo, agod binawek a Jesus Kristus anen Ur ipanag dan lo dam, mel saian en nai lo ilasa yen daonj ta ipanag na wa, tia, nai patu pasek njigane wa. ²⁰Nai tini ganei tubun mi njigane da, agod nai ilog lo igo yen da, dal fidian lo nai miai ta njigane na wa. Tia, nai ilog dabai go pempem ago njigane se yak ago mi, gamu en dam Kristus injanen yanan njaisag tinig lo imasap yau dop tamolpein fidian ka dile wa, kumaen lo boi, tia, materj lo boi. ²¹Man dugo, njaineg ilo sou lo man, nai kumaeg njumado tap, Kristus inj malan te ya, ak man nai njamat tap, an nai tan en lo kumaeg njumado dan irinjani geig a. ²²Nai tinig lo kumaeg njumado wo tap, nai Anut injanen urat nunon anda yak njigane wa. Ata mel mok njupiliani wo yan nai ta njalon na ya. ²³Mel uraru an nai dupinag go njumado da. Nai bubeg ibol, nai tan njubiseip Kristus da mumado wa. An ilasa tap, an mel aenta fidian irinjanaip uyanan mok a. ²⁴Gug nai tinig lo tan na njumado dop man, nai anj ka njubinawanj a, agod njaisag ilo sou lo an anj o uyanan a. ²⁵Fun an ninjen o nai ta njamat na wan ilog lo rumok da. An lo igo njalon ak, nai njumado dop, anj njubinawanj pe, ilom lo rumok amam da uyasusai san dal ari dop na wa, an lo mel ta anj ibiatuananj san tia ya. ²⁶Agop nai fon mi anj sinirem na jau dop an lo, anj nai aliag pe anjanem yousai Jesus Kristus lo yan isudap anj lo awan isa wa.

²⁷Muruan dugo ilasa tap, anj anjanem turenj kagin apani uyanan a, kagin naok a bilalun uyan ak Kristus ninjen o yanan tubun ak ipani san idaisuda yan, kagin amaiak mi agane wa. An lo dop gidad, nai anjam na njupalup

ɲilian ak boi, tia, ɲai naog tia dop awam ɲalon bo man, aɲ ɲiɲemi wo ɲai ɲalon ak, aɲ ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalun uyan ak igane ilasa dan tamolpein bubed lo ilasap yen a. ²⁸Agod dal ta lo ager adi urer ta dupanaɲ na wa. Kagin a agane dan lo mel en kuai te ilasa ya: Anut murnap ipitiɲinaɲ ak ago ikubiai dile da, gug aɲaɲem kagin aɲ ɲiɲemi wo ago ta ibol na da, tia, Anut aɲ patum ipasi wan ago ibol go alon da. ²⁹Man dugo, Anut bar uyan ak ta ipanaɲ a. An man aɲ Kristus o ilom lo rumok a. An mi tia, aɲ dam in damon lo madai asini wa, bar an dam ipanaɲ a. ³⁰Fun an ɲiɲen o, ager a gubak mi ɲai lo ilasa dugo ale ya, agod ager an gamugo itout an san ru dam alon a, aria, ager naon kisaek an mi aɲ lo dam ilasap yen da.

Kristus sen yabi idu yak ago mi sem ibian adu

2 ¹Dugo, Kristus aɲ lo imado dan dabai ipanaɲ i? Dugo, inɲan ilo panek aɲ maror ipanaɲ i? Dugo, Awan Urgun aɲ lo yen dan akubiani dop in da sisem ator di? Dugo, aɲ tamol aenta ɲiɲedi wo amat dop ilom imuɲanaɲ di? ²Mel an ɲiɲedi wo aɲ awok abol tap, ɲai mel taida agane wo ɲamat da. Aɲ ilom kisaek dop, nug ɲiɲen o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. Aɲ ago agane dop lo ɲaisag yousai an aganep tubun geig ilasa wa. ³Aɲ yaɲak tubun ak aɲane wo ɲai-ɲai kagin ta agane na wa, agod taida mi, aɲ kulob fun tia yak lo sem yaɲam ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, aɲ sem ibian adup aenta aɲ diriɲanaɲ ak ago eil a. ⁴Aɲ aɲsiganem madok mi kagin apani wo ago ta agane na wa. Tia, aɲ aenta dam sad madok kagin apani wa.

⁵Aɲ igo agane wa. Jesus Kristus ilo sou dugo igane dak, aɲ dam nek ago mi ilo sou agane wa.

⁶Inɲen man Anut mok igo imado dugo, in ɲanut da tou kisaek dumado na ya. Ago bo man yaɲan lak na geig an yabi sakar o kankan ta igane na ya. ⁷Tia, inɲen yabi idug biabi ɲilaɲal tamol igo ilasa ya. In tamol kawan tan an san igo ipalu ya. ⁸In tan san tamol mok imado ya, an lo inɲen yabi idu geig a. In Anut awan iri panig mel fidian ibol ago mi igane ya, in ago igane yaug aigim fo dubalig mater ɲiɲe ya. ⁹Fun an ɲiɲen o Anut in yabisag lak na geig isuda ya, agog yaɲak tubun geig an yaɲak aenta fidian iriɲanaɲ an ipani a. ¹⁰An ɲiɲen o saen yaɲak Jesus dupate dop man, mel fidian turud disaluwi wa, did lo, tan na agod tan paen na dam ago digane wa. ¹¹Ago dop awak fidian kuai tem Jesus Kristus in Tubun ak ago dubol ilasa wa. An lo man kulob en Bai Anut yaɲak tubun ak ipani wa.

Aɲ patui ago aban isapudade wa

¹²ɲai turag muroug, fun an ɲiɲen o, aɲ man ɲai malag lo ɲaineg awag pempem aganuri da. Nek ago mi gamu dam gidad ɲai naog tia bo man,

kagin naok naok a Anut aŋ lo iganeg dilasa yan, nen maeg mi lo ari yau o ago agane wa. Arut bubuli dan lo ago agane, man dugo, kagin naok an man, patu pasek a Anut ipanaŋ dan san nuŋon mok a. ¹³Man dugo, Anut iŋsen mi aŋ bubem lo urat igane da, ago dop an lo mel dugon iŋ ilon ibol dan ago aŋ dam ilom ibol a, an lo dop iŋ ilon dugo yen dan aganurip kagin an mi agane wa.

¹⁴Aŋsam madok ilon lo urat biabi fidian agane dop aŋsem nugnug lo aŋurŋur dop nug apei amoi. ¹⁵Ago agane tap man aenta aŋanem kagin dile yan lo iŋ ru amad tia wa, agod aŋ ilom lo suŋuŋek tia, ago ka amado wa. Aŋ Anut nanun muroun teb amam tia yak igo, tamolpein a iŋsad turenŋ gidigheid dutor dugo sad ilod ikubili an lulunaŋ lo atur da. Aŋ man ibol patui igo tan en lo aban asapudade dak igo woŋ amado da, ¹⁶ago dugo aŋ tamolpein naod na, ru a kumaen ka ipidinai an diŋanep diabi wo abal ilasa dugo dile da. An lo dop Kristus san nal idu dan te ŋai se pitianoi ru igo ka ŋabol a, ŋaisag maspalu yan, agod ŋaisag urat dam nuŋon igane ya. ¹⁷Urat e aŋanem ilo rumok lo ilasag Anut agane pani dan ibol alta igo woŋ a. Agod ŋaisag dar man ibol wain alta fo duwatik ak igo ya.^a Iŋ ŋaisag dar an alta fo duwatik idu tap, gidad, ŋai an niŋen o ilog uyan a, agod ŋai aŋ da sisem uyasusai lo mi tumado wa. ¹⁸Agod ŋai ilog ibol dak aŋ dam ilo uyan lo mi ŋai da sisem uyasusai lo mi tumado wa.

Timoti iŋ Epafrodaitas da ŋaisag urat kisaek

¹⁹Jesus Tubun en ilon ibol tap, ŋai Timoti aŋsam na ririan ŋigane ipalu wa. Iŋ aŋsam awam aban an iŋane imul a, ago dop an lo ŋai ilog yabisa wa. ²⁰Etna talpein ta iŋ igo mi ak ŋile man tia ya. Iŋ sen kisaek kagin nuŋon ak lo aŋ niŋemi wo ilo sou igane da. ²¹Tamol aenta man sed ibinawai o mi dumat da, agod iŋ Jesus Kristus dibinawi man iŋ dumoi da. ²²Gug aŋ alonŋ ak Timoti iŋsen ikubiai tile yak iŋ tamol uyan a. Man dugo, iŋ nek ibol awa yabek nanuk ta taman da urat digane dak igo woŋ, ŋai siŋireg na bilaluŋ uyan ak san urat an migane se ya. ²³Fun an niŋen o milaen tiap aŋsam na ŋigane ipalu wa. Ak man gamu ŋai dugo diginiag ak boi, an malag ŋiganep ŋile gup a. ²⁴ŋai ilog ibol dak, Tubun en sen ŋai ilog lo kankan igo ipanag dak, milaen tiap ŋaisag aŋsam na ŋupalu wa.

²⁵Ak man gidad ŋai teig Epafrodaitas, aŋsam na ririan ŋigane imul ak man uyan a. Iŋ ŋaisag urat kisaek, agod iŋ ŋai da sisem yu tamol. Iŋ dam aŋsam urat pinein igo adinig ŋai ibinawag o ipalu ya. ²⁶Iŋ aŋ fidian ilianŋ o ilon tubun mi yen da. Agod iŋ subam ifuni an san ru alonŋ a, an lo aŋ niŋemi wo ilon saian a. ²⁷Rumok, iŋ subam dabai ak iŋaneg imat sikalik

^a An iŋanen mateŋ san mitilaen mi a.

a. Ak man Anut ilon imujanig ibinawi a. Anut naj dam ilon ipanag a, man dugo, inj ta dugo imat mok ak man naj ilo muruan gubak mi an da itumanip muruan tubun mok njisini wa. ²⁸Fun an njen o, naj njidnip anjam na ipalu wo ilog tubun mi yen da. An njen o saen inj ale dop an ilom uyan a, ago dop man naj an njen o ilog tubun mi ta muruan na wa. ²⁹Ak njen o saen inj anjam na ipalu dop, an yousai lo mi anjanep ayujani. Tamol naok ago yak yajan abisa wa. ³⁰Man dugo, inj Kristus san urat igane an lo imat sikalik a. Inj an naomi injaneg naj ibinawag o igane yau an lo injan kumaen ibisei sikalik a.

Tinid sujulon dutute yak san kagin ibinawad san tia ya

3 ¹Naj teig taog, najisag ru wadan igo ya. Tubun ak lo uyam isusa wa. Ru nek en mi ilo sou ipanaj san njigire wo ilog ta isali na da. Agod nek an dag ibunawan a. ²Tamol goun kasik on kagin saiak digane dugo tinid sujulon dutute dan, njeddi wo kagin agane wa. ³Man dugo, tamol a tinidi sujulon tutek mok san, an man Juda adi tia ya, tia, an id ilo rumok adi idsed mi a. Id man Awan Urgan lo Anut san ubou tile da, agod Jesus Kristus njen o sed ipitianad da. Ago dugo id idsad tini ganei an mel ta idsed tinid san lo ta tigane na da. ⁴Naj najisag tini ganei an tinig sujulon dutute yan san kagin fo ta njigane na da. Ak man naj tinig san mel ibinawag a, ilog ago ka isou wa, man dugo, fun wei kasik dien da. Amaiak njen o, tamol sen ak ta injanen tinin san mel njen o sen yajan yabisa tap, naj dam nek ago mi ka njigane wa, agod naj inj njirijani geig a. Man dugo, kududom agure: ⁵Naj tinag iginiagsig nal eit (8) numadog tinig sujulon dutute ya. Naj Isrel tamolpein sad dar lo njilasa ya, Benjamin san gugoi lo, agod naj Hibru tamol mok Hibru sad dar lo njilasa ya. Kubiaen njen o naj Farisi numado da. ⁶Naj ilog dabai aman da yak njen o, naj ilo rumok adi sad midaen lo muruan tubun ak njupidinai se ya. Agod kagin itaot ak kubiaen lo ilasa dan njen o, aenta naj njineg o ru amad tia ya.

⁷Ak man naj Kristus njalon uyan san njen o gamu njaineg urat naon dugo njijane yan igo njile dak man, mel an kawan ak igo naj ilog isou da. ⁸Rumok, naj malag lo urat naon an fidian man mel ideg ak igo won njabol da. Man dugo, naj Jesus Kristus njaineg Tubun en njalon uyanan mok ak, an san nunon man mel a fidian nunod tia yan irinjanai pasik a. Inj o naj mel fidian dideg diau an njel a, agod mel an metmet igo njabol da, ago dop an lo naj Kristus njianep nabi wa. ⁹An lo naj inj lo numado dak ago dile wa. Naj najisag fug itaot man kubiaen wagen lo tia ya, tia, naj Kristus ilog lo rumok an wagen lo mi a. Anut injen mi idsad ilo rumok an lo ilod itaot igane ilasa da. ¹⁰Naj melmel an nunod tia yak metmet igo njabol da, ago dop an lo naj inj ka njalon uyan a, agod injanen imasa san dabai dam ka njalon a. Agod inj muruan isini ak ago naj dam njisinip, an lo inj imat ak

ago ηai dam mi wa. ¹¹An lo dop, ηai idaisuda tap, ηai dam in da mamat a. An lo dop idaisuda tap, ηai tamolpein a materη lo dumasap fon kumaen dumado da wan dida mumasa da wa.

Pol dabai nam imaspalug kob fo itaot yau da

¹²ηai mel an fidian ta ηijane na ya, agod ηai tinig bubeg da gamugo itaot ilasa da. Ago gug kagin an ηabi sakar o dabai ηigane se ya, man dugo, fun amaiak ninen o Jesus Kristus ηai ibiag sakar da. ¹³ηai teig taog, ηai mel en ηigane itout ak ago ta ηabol da. Ak man ηai mel kisaek gamu ηigane den man igo ya, ηaineg madok wagam a patug na yan ilog iηaon pe mel a naog na yan mi leil ηupani dop dabai ηiganep ηijane wo ηau da. ¹⁴ηai maeg ηiganep Anut in Jesus Kristus lo igiag pe lak na ηaup ηaisag ilo uyan san kob an ηijane wo ηumaspalu da.

¹⁵Tamolpein a id lulujad lo ilod lo rumok dabai an ilo sou ago digane wa. An aenta mel ta ninen o kankan sensen amam da ator tap, Anut iηanen ilon yen dan kuai te igane ilasap ikubiai panaη a. ¹⁶Gug gidad, mel malan te yak man igo ya, id fidian mi kagin uyanan gubak mi tileg tiηane yak, nek an mi tabi sakar pe tumado yau a.

Aigim san ager

¹⁷Teig taog, an ηaisag turenη atutanip amado wa. Tamol a nek man igo dutor dan leil apidinai a, man dugo, in aigim san ager ta dumado na da. ¹⁸ηai imug mi ηurupaianη ago mi fon gamu dam malag turon idu dugo ηurupaianη da. Tamolpein wei mi in ilod lo rumok ak dubol dan iηaned kagin naok naok lo man Kristus anen aigim san ager dumado da. ¹⁹Iηaned wadan man daonη mi a. Iηaned tubud man tiηaed mi a. Kagin a ninen sed yanad diabisa san nek an iηaned miai mi a. Iηaned kankan lo tan en san melmel ninen o mi ilo sou digane da. ²⁰Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da. ²¹In iηanep idsad tinid tan en san dabai an tia yan ibileksap, iηsinan tinin kumaen panu san girager aman da ago mi ak ipanad a. In idaisuda dop mel fidian idiraig in paen na dumado yan, an san dabai lo id tinid ibileksap girager panu san tinik tiηane wa.

4 ¹An ninen o, ηai teig taog, dal amaiak lo an gamu Tubun en lo atur sakar a. An ηaisag turag muroug, ηai an niηemi wo ηamat da, ηilianη o ilog yen da, an ηaisag yousai san fun, agod ηaineg urat naon san nuηon.

Ru kagin

²ηai Yuodia in Sintaki da nug asued amaiak amoi o ηusumiananη da. An ilom kisaek mi wa, man dugo, an Tubun ak lo amado da. ³Awo, on dam, ηaisag turag uyanan urat sisem tigane da, ηai igo ηusumiano, on

pein uraru an binawai a. Man dugo, ʔai ru uyanan ʔufulale na yan lo, in ʔai dida nug mupinig urat migane se ya. Agod Klement in ʔaisag urat kisaek aenta dida ʔaʔad kumaen san buk lo yen la yan, urat nek ago mi nug mupinig migane se ya.

⁴Aʔ Tubun ak lo pempem uyam isusa wa. ʔai fon mi ʔabol da, uyam isusa! ⁵Aʔ kagin mos na mi agane dan agane kuai te ilasap, tamol fidian ka dile wa. Tubun en in sumeik ipanad la ya. ⁶Aʔ melmel o ilom ta gidigheid na wa, tia, mel fidian ninen o Anut mi asumiani wa. Mel fidian ninen gudanek agane dan, aʔanem ru an Anut arupeip ilon ʔa, agod ilo uyan ru dam arupep wa. ⁷Agod Anut san maror a idsad maʔau fidian irinani geig dan, aʔanem bubem kankan da Jesus Kristus lo dumui igo ibalgranaʔ a.

⁸Teig taog, ru wadan igo ʔurupaiaʔ da. En ata mel rumok, uyanan, itaot ak, ikok, siʔaokan, kududod lo uyanan, kagin uyan ak aenta, mel aenta ʔaʔad tabisa san, an ninen o mi aʔ ilom igire wa. ⁹Aʔ ʔaisag na maʔau aʔane da, aʔ ʔaisag na mel asini da, aʔ ʔaisag ru alon da, aʔ ʔaisag turen ʔugo ʔator dan ale da. Aria, aʔ dam nek ago agane wa, ago tap maror san Anut aʔ da amado wa.

Pol Filipai tamolpein ilo uyan ipidinai da

¹⁰Aʔ saen milaen mi yau itout dugug, gamu fon ʔai o ilom isou da. An ninen o ʔai Anut ilog tubun mi uyan ʔupani da. Rumok, aʔ pempem ʔai abinawag o ilom yen da, gug saen milaen mok aʔ dal ta ale man tia ya. ¹¹ʔai mel ta lo katukag ak ninen o mel apanag o ta ʔaʔurn ʔur na da. Tia, ʔaisag abeg dugon lo ʔumado dan, ʔai ilo uyan lo ʔumado da. ¹²ʔai mel tia kawan ʔumadog tinig ilon ʔa, agod ʔai mel amag da ʔumado yak dam tinig ilon ʔa. Awo, ʔai anaʔ amag da wak, tia, anaʔ amag tia wak, ʔai ʔumatigen ak, tia, luag ipuk ak, melmel fidian lo ʔai an kagin ʔupanig, ʔalon uyan a. ¹³Enti in ʔai dabai ipanag dan lo ʔai mel fidian ka ʔigane san idaisuda ya.

¹⁴Gug, aʔ ʔai da sisem ʔaisag muruan e tisini en lo, aʔ ilom apanag an uyanan a. ¹⁵Agod aʔ Filipai tamolpein aʔsem alon ak, saen ʔai fun ʔiganeg Tubud ru ʔufulaleg Masedonia ʔubiseig ʔau an midaeʔ taida ʔai moni lo dibinawag man tia ya, tia, aʔsem mi ʔai abinawag a. ¹⁶Agod saen ʔai Tesalonaika na ʔumado yan, aʔ moni ʔaisag na agane ipalu se ya. ¹⁷ʔai ru igo ʔabol dop lo aʔ moni taida apanag o ta ʔidalel na da. Tia, ʔai ru e ʔabol den lo aʔanem kagin uyanan a nuʔon ifu an lo, aʔsam gubun ʔai tinig lo yen den ilasap tubun dop Anut ikubune wa. ¹⁸Mel an agane ipalug Epafrodaitas inaneg ʔai ipanag a, an lo gamu ʔai mel ta lo katuk amag san tia ya. Aʔ lou kawan ak da aganeg ipalu yan lo ʔai idaisudag ʔumado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo won da. ¹⁹Agod ʔaineg

Anut inj aŋ mel ta lo katukam mi dop inŋsen mi idaisudap ipanaŋ a. Inŋsan filian girager panu lo yen dan Jesus Kristus banin lo binawek an aŋane wa. ²⁰Id pempem idsad Tamad Anut mi yaŋan tabisap lak na yau a. Rumok.

Ru wadan

²¹Aŋ man gun adi fidian Jesus Kristus lo dumado dan ilo uyan apidinai a. Ŋai teig taog, ŋai dida mumado den aŋsam na ilo uyan ru en digane ipalu da. ²²Anut anen tamolpein gun ak etna Rom na dumado den aŋsam na ilo uyan ru dupanaŋ a, agod aenta a Kaisa san ab lo urat digane dan inj dam malmalan mi ilo uyan ru dupanaŋ da. ²³Tubun ak Jesus Kristus inŋanen ilo panek aŋanem ur da itumanip kisaek mi amado wa.